

Headline	SL1M IBE TNB pacu keupayaan graduan		
MediaTitle	Utusan Malaysia		
Date	04 May 2017	Language	Malay
Circulation	171,663	Readership	563,000
Section	Dlm Negeri	Page No	6
ArticleSize	724 cm ²	Journalist	N/A
PR Value	RM 42,928		



Tingkat kebolehpasaran peserta dalam dunia pekerjaan

SL1M-IBE TNB pacu keupayaan graduan

Oleh **BADRUL HAFIZAN MAT ISA**
pengarang@utusan.com.my

■ KUALA LUMPUR 3 MEI

GRADUAN Ijazah Sarjana Muda Pengurusan Sumber Manusia dari Universiti Teknologi Mara (UiTM), **Nurfadzidah Azhar**, 24, tidak menyangka keputusannya untuk menghadiri temuduga terbuka Skim Latihan 1Malaysia - Industri Bekalan Elektrik (SL1M-IBE) kelolaan Tenaga Nasional Berhad (TNB) telah membantu melengkapkan dirinya untuk memasuki dunia pekerjaan.

Berkongsi kisah, Nurfadzidah berkata, program SL1M sememangnya telah diketahuinya ketika masih di universiti lagi, namun pada waktu itu dia hanya menganggap SL1M sebagai peluang kedua sekiranya gagal untuk memperoleh pekerjaan sebaik sahaja tamat pengajian.

"Apabila tamat pengajian di universiti, saya mendapat tahu TNB mengadakan satu temuduga terbuka SL1M-IBE di Johor Bahru dan tanpa berfikir panjang saya hadir untuk mencuba nasib. Tidak lama selepas itu saya dimaklumkan terpilih untuk menyertai SL1M dan perlu melaporkan diri dalam tempoh dua minggu kemudian," katanya ketika ditemui *Utusan Malaysia* sewaktu Pameran Kerjaya 2017 di TNB Integrated Learning Solution Sdn. Bhd. (ILSAS) di sini baru-baru ini.

Tambah Nurfadzidah, sebaik sahaja melaporkan diri, dia bersama peserta lain yang terpilih perlu menjalani latihan selama sebulan di ILSAS sebelum menyambung *on job training* selama tujuh bulan di beberapa jabatan dan bahagian di TNB.

"Sewaktu latihan di ILSAS, kami didedahkan dengan pelbagai program bagi meningkatkan kompetensi diri masing-masing termasuklah kemahiran untuk menjalani proses temuduga, 7 *Habits*, kemahiran berkomunikasi dan kemahiran etika sosial dan penampilan diri.

"Sesuai dengan kursus yang

diambil sewaktu di universiti, saya kemudiannya ditempatkan di Bahagian Sumber Manusia di ibu pejabat TNB di Bangsar. Di sinilah saya banyak didedahkan dengan

bidang pengurusan sumber manusia, malah saya juga seringkali terlibat dalam program latihan kakitangan peringkat dalaman di TNB," katanya yang merupakan peserta SL1M-IBE Fasa 3 Kumpulan 3.

Katanya, keputusan untuk menyertai SL1M-IBE ternyata berbaloi apabila dia berjaya mendapat tawaran pekerjaan sebagai pembantu sumber manusia di sebuah syarikat milik kerajaan di ibu negara.

"Alhamdulillah, saya telah ditawarkan pekerjaan dan bakal melaporkan diri pada pertengahan

Mei ini. Selain bidang pengajian yang diambil sewaktu di universiti, saya yakin antara faktor saya diterima bekerja di syarikat tersebut adalah kerana pengalaman dan kemahiran yang saya terima sewaktu menyertai SL1M-IBE.

"Sewaktu ditemuduga untuk jawatan tersebut saya banyak ditanya mengenai program SL1M-IBE yang saya sertai. Ternyata penyertaan dalam SL1M IBE banyak membantu dan memberikan kelebihan buat saya dalam memohon pekerjaan," katanya.

Menurut **Muhamad Akram Izudin Razali**, 25, pula, penyertaan dalam SL1M-IBE adalah didorong keinginannya untuk meningkatkan nilai tambah dan keupayaan diri menerusi program latihan yang disediakan.

"Pelbagai program latihan kemahiran insaniah seperti kemahiran berkomunikasi, keterampilan diri sehinggalah kepada kemahiran 7 *Habits* diberikan secara percuma di dalam SL1M-IBE. Ini merupakan daya tarikan utama untuk saya menyertainya.

"Faktor lain sudah tentulah kerana minat yang mendalam dalam bidang elektrik yang saya pelajari sejak di tingkatan empat sehinggalah melanjutkan pelajaran di Universiti Malaysia Pahang (UMP)," katanya yang ditempatkan di bahagian penyelenggaraan di TNB Ipoh, Perak.

Tambahnya, menyertai SL1M-IBE merupakan pilihan tepat buat dirinya untuk terus memperoleh kemahiran dan pengalaman terutama dalam bidang elektrik lebih-lebih lagi bersama TNB yang merupakan sebuah syarikat utiliti terunggul.

Seorang lagi peserta, **Muhamad Hafiz Mustafar**, 27, berkata, SL1M-IBE merupakan platform terbaik buat dirinya menambah pengalaman terutama dalam persekitaran pekerjaan yang sebenar.

"Berbanding latihan industri,

SL1M-IBE lebih banyak memberikan pendedahan dalam dunia pekerjaan kerana majikan akan melihat anda sebagai pekerja dan bukan pelajar dari universiti. Malah saya turut diberi peluang untuk menyertai kursus-kursus bagi meningkatkan kemahiran sama seperti kakitangan tetap yang lain.

"Selepas menjalani latihan di ILSAS, saya kemudiannya ditempatkan di Wisma TNB, Kepong dan saya berpeluang bekerja dengan skop yang lebih meluas termasuk dalam aspek menyusun atur pencawang elektrik," katanya yang merupakan graduan elektrik dari Universiti Tenaga Nasional (Uniten).

Tambah Muhammad Hafiz, sememangnya menjadi hasratnya untuk berkhidmat bersama TNB, namun mengakui penyertaannya dalam SL1M-IBE boleh membantunya untuk mendapat pekerjaan di tempat lain.

"Jika berjaya diserapkan sebagai pekerja tetap dengan TNB merupakan satu bonus buat diri

Headline	SL1M IBE TNB pacu keupayaan graduan		
MediaTitle	Utusan Malaysia		
Date	04 May 2017	Language	Malay
Circulation	171,663	Readership	563,000
Section	Dlm Negeri	Page No	6
ArticleSize	724 cm ²	Journalist	N/A
PR Value	RM 42,928		

saya, namun jika gagal, saya tidak begitu kecewa kerana SL1M-IBE ternyata berbaloi untuk disertai.


“Dalam suasana ekonomi yang tidak menentu sekarang, ramai graduan kini berebut-rebut mencari peluang pekerjaan, namun yang membezakan antara kesemua pencari kerja itu adalah nilai tambah yang ada pada diri mereka,” katanya.

Turut berkongsi pengalaman ialah graduan Ijazah Sarjana Muda Pentadbiran Korporat dari UiTM, **Raja Eleena Syahirah Raja Nor Azlan**, 25, yang memberitahu bahawa penyertaannya di dalam SL1M selepas kebetulan terbaca iklan mengenainya di media sosial.

“Saya terbaca iklan mengenai SL1M-IBE yang dibuka di media sosial. Kemudian saya mengikuti

arahan yang diberikan dan terus mendaftar melalui portal iaitu di <https://brightspot.tnb.com.my>.

“Tidak sampai sebulan selepas mendaftar, saya menerima emel yang meminta saya hadir temuduga SL1M-IBE dan Alhamdulillah saya kemudiannya diterima untuk menyertai skim latihan ini,” katanya.



PESERTA SL1M-IBE bergambar sempena Pameran Kerjaya 2017 di TNB Intergrated Learning Solution (ILSAS) di Bangi, baru-baru ini. - UTUSAN/JEFFRI IRAN

Headline	SL1M IBE TNB pacu keupayaan graduan		
MediaTitle	Utusan Malaysia		
Date	04 May 2017	Language	Malay
Circulation	171,663	Readership	563,000
Section	Dlm Negeri	Page No	6
ArticleSize	724 cm ²	Journalist	N/A
PR Value	RM 42,928		

REAKSI



"TAWARAN menyertai SLIM-IBE ini saya anggap kesempatan berharga yang tidak harus dilepaskan.

Ini peluang saya menambahkan pengalaman dan kemahiran sebelum memasuki dunia pekerjaan."

NURFADZIDAH AZHAR
Graduan Pengurusan Sumber Manusia UiTM



"SEBELUM ini saya juga pernah menjalani latihan di TNB jadi penyertaan dalam SLIM-IBE merupakan peluang

terbaik untuk saya mendalami operasi syarikat TNB sekali gus meningkatkan pengetahuan dalam bidang elektrik."

**MUHAMAD AKRAM
IZZUDIN RAZALI**
Graduan Kejuruteraan Elektrikal UMP



"SAYA percaya selama lapan bulan menjalani latihan, SLIM-IBE telah berjaya meningkatkan nilai tambah

terutama dalam aspek komunikasi dan keyakinan diri."

**MUHAMMAD HAFIZ
MUSTAFAR**
Graduan Elektrikal Uniten



"SEKURANG-KURANGNYA SLIM-IBE telah berjaya mengisi waktu saya dengan pengalaman dan kemahiran yang

sememangnya diperlukan sebelum saya memasuki dunia pekerjaan."

**RAJA ELEENA SYAHIRAH
RAJA NOR AZLAN**
Graduan Pentadbiran Korporat UiTM